

# 3 JUAN

---

## Juan weng'ika'ai pa' Gayo.

<sup>1</sup>Yakha' witlijtsitjii tenek'enhe'yij hika' e'm ha'ne witfaakanek akha' Gayo. Yakha' qi in k'esu'un.<sup>a</sup>

## Juan qi in yisu'un pa' Gayo.

<sup>2</sup>Yejeje qi in k'esu'un, yakha' ewi'He in k'iyinijets pa' Intata qu' ne'fenij week pa'qu' lunye'je' qu' aqsiijkii qa k'iyinijets iye qu' nafits in yijaa'ija in hijayan pa' Intata qu' ham aats'eye'.<sup>b</sup>

<sup>3</sup>Qi in tsi'sinheti'mkii in namyii he' uja'x inejefetsipji' pa' Intata qa nifel ye'mik'i pa' ejunye'j in yijaa'ija in hijayaanija pa' Intata.<sup>c</sup>

<sup>4</sup>Les qiiijija qa te'wisji'ij ye'mkii qa k'impie'ji'ij hekhewe' yijatshenhei in nite' yili'ij in yijayaanija ke' Intata te'l'ijej.<sup>d</sup>

<sup>5</sup>Yejeje qi in k'esu'un, yakha' hit'ij ewets in qi'ija in te'wis ka' eqfenye'jij in teneqjunu'uj qa l'iftits'ets iye hekhewe' hats yijayan ha' Cristo. Qa qi'ija iye in te'wis in teneqjunu'uj'ij pekhewe' nite' tenikfeltaxij hats yijayan ha' Cristo.

<sup>6</sup>Enewe'en in yamjii na'aj witset qa nifelji'ijkii pa' eqfenyejeji'ij in qi'ija in lisu'un qa teneqjunu'uj iye, i'njiijifi pe' witlitsitjii qa nifelji'ji'm pe' hats yijayan ha' Cristo. Qa k'iyinij ewets qu' i'fenij week pa'qu' hami'ik'ui qu' net'ejuyets qu' nakkii iye qu' nenfel ke' Intata te'l'ijej qe hik aka' yisu'un pa' Intata hats'inha qa' te'wiise'le qu' nakkii iye,<sup>e</sup>

<sup>7</sup>qe tekhwel in ikkii ta'tets in t'ithayi'yi'm ha' Jesucristo qa nite' yisu'un qu' net'eku'miju't na'aj tistaxij pekhewe' nite' yijayan ha' Cristo.<sup>f</sup>

<sup>8</sup>Qa hik ta'hijupi' inekhewel qu' jintaqsiijkiyek pe'ye' hats'inha qa' week ji'nt'ithayiyi't pekhewe'en. Ma' qa' hik lunye'je' qu' ewi't jina'niji' pa' i'nithayijkit in jitefel ke' Intata te'l'ijej.

---

<sup>a</sup> 1 2Jn 1; Jn 14:6; 1Jn 5:20   <sup>b</sup> 2 1Ti 1:10   <sup>c</sup> 3 Jn 15:26; Hch 26:5; 2Jn 4   <sup>d</sup> 4 Jn 15:11; 1Co 4:14; Ga 4:19; Fil 2:22   <sup>e</sup> 6 Mt 16:18; 1Co 10:31; 14:4; 16:6; Ap 1:4; Hch 15:3; 20:38; 21:5; Ro 15:24; 2Co 1:16; Tit 3:13; 1Ts 2:12   <sup>f</sup> 7 Jn 10:25; Hch 15:14; Ap 14:1; 1Co 9:15-18

**Pa' Diótreres u'ax pa' lunye'j.**

<sup>9</sup>Yakha' in hika' ka' hayiits witfaakanek t'ejutaxets hekhewe' hats yijayan ha' Cristo, qa hakha'le Diótreres qa nite' yisu'un qe lakha' yisu'untax qu' les qi qu' netnek'enhei qa nite' tsisu'untaxi'ñ yekhweli'ñ in heinek'enhe'yi'ñij hekhewe' hats yijayan ha' Cristo.<sup>g</sup>

<sup>10</sup>Qa hik ta'lijupi' qu' ñeke'ye' qu' natsamii hatse' qa' week henfelji'ju' hekhewe' hats yijayan ha' Cristo ka' lunye'j ha' Diótreres qi in u'ax qa u'etsik'i iye pe' ñelije'ñi'ñ yiwetskii. Qa ekewe'en nite' uja'xle qu' naqsiiikii qe na'ñ iye kakhap iye yaqsiiikii kakha'an, in t'oqoweijiiju'ñ hekhewe' inefets in yamtaxii pa'aj ke' witlijsitjii hik hekhewe' ikijfik'i qu' nenfel ke' Intata ñelije'. Qa pe' neqjunutaxij ma' qa yiwu'mik'uifik'i ke' ñelijstijii.<sup>h</sup>

**Pa' Demetrio ñe'wis pa' lunye'j.**

<sup>11</sup>Yejeje qi in k'esu'un, yakha' hit'ij ewets qu' hasu'uj eneqjeyu'uj qu' aqsiiikii pa' u'ax. Eneqjeyu'uj yijat'ij qu' aqsiiikii pa' qi ñe'wis. Pakha' qu' naqsiiikii pa' ñe'wis pakha'an yatsat'axij pa' Intata. Qa pakha'le qu' naqsiiikii pa' u'ax pakha'an nite' nikfe'lets pa' Intata.<sup>i</sup>

<sup>12</sup>Week yit'ijets in ñe'wis pa' yaqsiiikii ha' Demetrio. Qa week yit'ijets iye in yijaa'ija in yaqsiiikii pa' yit'ij ke' Intata ñelije'. Qa yekhweli'ñ hik aka' hit'ijiju' iye. Qa akha' hats ñenikfe'lets week na'aj hit'ijiju' in yijaa'ija.<sup>j</sup>

**Wetfel.**

<sup>13</sup>Olotstax ke' hisu'untax qu' henfel e'm qa nite'le hisu'un qu' henji' ha'ne witfaakanek.

<sup>14</sup>Q'ax qu' ñeke'ye' hatse' qu' natsam ei qa' jintafaakateiju'ha.

<sup>15</sup>Na'ñek pa' Intata qu' nehisij pa' wit'ikesimeya'x. Enewe' ejuwaikal wetfel ei. Qa akha' qu' enfeli'mek hekhewep yijuwaikali'ñ in hewetfeli'ñii. Qa hasu'uj pa' qu'nte' enfeli'im.

<sup>g</sup> 9 Mt 20:25-28; 23:5-12; Col 1:18; 1P 5:2-3; 2Jn 9; Hch 18:27; Ro 16:1-2; 2Co 3:1

<sup>h</sup> 10 1Ti 5:13 <sup>i</sup> 11 1P 3:17; 1Jn 4:4; Ex 33:20 <sup>j</sup> 12 1Jn 2:20-21; Jn 21:24